

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-87-8/23

Datum: 29.08.2023. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22) direktor Zavoda **d o n o s i**

O D L U K U
o izboru najpovoljnijeg ponuđača
u postupku javne nabavke laboratorijskog materijala
za Lot 2 Membranski filtri

I

Prihvata se preporuka Komisije za nabavke broj 07-87-7/23 od 25.08.2023. godine i Ugovor o javnoj nabavci laboratorijskog materijala za **Lot 2 Membranski filtri** za potrebe Ugovornog organa dodjeljuje se ponuđaču **SINEKS LABORATORIJA D.O.O. BANJA LUKA** ukupnom cijenom ponude od 1.499,82 KM sa uračunatim PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču u roku od deset dana od dana prijema ove Odluke.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona pokrenuo je postupak javne nabavke laboratorijskog materijala putem konkurentskog zahtjeva za dostavljanje ponuda broj 07-86-2/23 od 07.08.2023. godine, za koji je objavljeno obavještenje na portalu javnih nabavki pod brojem 1247-7-1-162-3-15/23 dana 07.08.2023. godine i u Službenom glasniku BiH, broj 56/23 od 11.08.2023. godine, a na osnovu Odluke o pokretanju postupka javne nabavke laboratorijskog materijala 02-822-1/23 od 31.07.2023. godine.

Tenderska dokumentacija je objavljena na portalu javnih nabavki i istu je preuzelo 18 potencijalnih ponuđača.

Nabavka je podijeljena u osam (8) lotova i to:

Lot 1: ATCC sojevi

Lot 2: Membranski filtri

Lot 3: Dehidrirane podloge

Lot 4: Serum

Lot 5: Gotove podloge

Lot 6: Antibiotički diskovi

Lot 7: Standardne otopine

Lot 8: Hemikalije za hemijski laboratorij

U roku za prijem ponuda za **Lot 2 Membranski filtri** pristigle dvije ponude i to ponude ponuđača KEFO D.O.O. ISTOČNO SARAJEVO i SINEKS LABORATORIJA D.O.O. BANJA LUKA. Komisija (u daljem tekstu: Komisija) je konstatovala da su obje zaprimljene ponude blagovremene, ispravno zapečaćene i pristupila njihovom otvaranju. Po završetku otvaranja zaprimljenih ponuda Komisija je sačinila zapisnik, koji je, u skladu sa članom 63. stav (6)

Zakona o javnim nabavkama BiH (Službeni glasnik BiH broj: 39/14, 59/22), isti dan dostavljen ponuđačim putem fax-a/e-maila.

Komisija je zatim pristupila pregledu i ocjeni zaprimljenih ponuda i konstatovala da obje ponude ispunjavaju kvalifikacione uslove u smislu dostavljene dokumentacije zahtjevane tenderskom dokumentacijom.

Međutim, ponuđač KEFO D.O.O. ISTOČNO SARAJEVO je dostavio ponudu u ukupnom iznosu od 1.463,40 KM bez PDV-a odnosno u iznosu koji prelazi planirana odnosno osigurana novčana sredstva Ugovornog organa za nabavku, te je shodno navedenom, a u skladu sa članom 2. tačka 1) Zakona o javnim nabavkama, ponuda imenovanog ponuđača neprihvatljiva, te je ista odbijena.

Prilikom daljeg pregleda i ocjene zaprimljenih ponuda, Komisija je konstatovala da je ponuda ponuđača SINEKS LABORATORIJA D.O.O. BANJA LUKA u ukupnom iznosu od 1.281,90 KM bez PDV-a odnosno 1.499,82 KM sa PDV-om kompletna i da ispunjava sve uslove zahtijevane tenderskom dokumentacijom te je kao takva prihvatljiva ponuda za Ugovorni organ.

Obzirom da je primljena jedna prihvatljiva ponuda e-aukcija se, u skladu sa članom 3. stav (3) Pravilnika o uslovima i načinu korištenja e-aukcije (Službeni glasnik BiH broj 66/16), ne može zakazati, nego će se postupak okončati u skladu sa članom 69. Zakona.

Shodno navedenom, Komisija je predložila da se ponuda ponuđača SINEKS LABORATORIJA D.O.O. BANJA LUKA u ukupnom iznosu od 1.281,90 KM bez PDV-a odnosno 1.499,82 KM sa PDV-om prihvati, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od pet dana od dana prijema odluke.

Dostaviti:

1. Ponuđačima
2. a/a

DIREKTOR
Sarihodžić dr Majda, spec. socijalne medicine
MA menadžmenta

